

Hinrika ehf.
B.t. Rannveigar Jónsdóttur
Laugavegi 176
105 Reykjavík

Reykjavík 14. nóvember 2017
UST201711-041/I.M.B.
09.06.01

Efni: Umsókn um kvikmyndaleyfi við Kleifarvatn – Vigdísarvellir innan Reykjanesfólkvangs

Umhverfisstofnun hefur móttengið umsókn Rannveigar Jónsdóttur, fyrir hönd Hinriku ehf, dagsett 6. nóvember 2017, um leyfi til kvikmyndatöku innan Reykjanesfólkvangs dagana 17. og 22. nóvember 2017.

Fólkvangurinn á Reykjanesi er friðlýstur sbr. auglýsing í Stjórnartíðindum B, nr. 520/1975. Jarðrask á svæðinu er óheimilt nema með leyfi Umhverfisstofnunar.

Lýsing verkefnis:

Sótt er um leyfi fyrir kvikmyndatökum, innan Reykjanesfólkvangs, föstudaginn 17. nóvember í gjá við veginn að Vigdísarvöllum og miðvikudaginn 22. nóvember 2017 á Klettahöfða, við gjá við Syðristapa, helli og á strönd fyrir neðan hann bæði norðan og sunnan megin við stapann skv. merkingum á loftmynd sem fylgir umsókninni.

Á Syðristapa og við veginn að Vigdísarvöllum þarf að fara út fyrir göngustíga. Mögulegur troðningur getur átt sér stað vegna verkefnisins á Syðristapa en gert er ráð fyrir að laga með sópum og hrífum eftir tókurnar.

Björgunarsveitarbíl verður ekið niður í fjöruna sunnan megin á Syðristapa eftir slóða til að mynda hann. Bíllinn á einungis að fara eftir slóðanum en ekki þarf að aka um fjöruna. Í tökunum í gjánni við veginn að Vigdísarvöllum er gert ráð fyrir 6-8 kindum, 3 hundum og einum hesti. Mun hesturinn fara um gjánna en verður svo inni í hellinum og þarf að ganga þangað. Kindurnar verða lausar í gjánni í fylgd dýraþjálfara sem heldur þeim í skefjum með hundunum þremur.

Í kvikmyndatökunum við Syðristapa verður hundur og hestur. Hestur verður á klettahamri hjá útsýniskletti hjá bílastæðinu undan Syðristapa. Á ströndinni fyrir neðan Syðristapa verður dreift um 50 dauðum fiskum.

Gert er ráð fyrir að u.þ.b. 50-60 manns vinni við tókurnar, þ.e. starfsfólk, leikarar og aukaleikarar. Búnaður sem notaður verður eru myndavélar og búnaður þeim tengdum, s.s. þrífætur, mónitorar, dollý og teinar (til að keyra myndavél á), ljós, standar, rafstöðvar, talstöðvar og hljóðupptökubúnaður. Bílarnir sem notaðir verða eru: Búningatrúkkur, 18 m langur aðstöðubíll, sendibíll með rafstöð, 2 stórir tækjatrúkkar, 6 minni sendibílar, 10-12 fólksbílar og 2 tókubílar (jeppi og björgunarsveitarbíll.

Truflun verður gerð á umferð með skiltum og keilum á meðan tökum stendur.

Ekki er gert ráð fyrir öðrum leikmunum og leikmynd né uppsetningu tjaldbúða. Engin efnanotkun verður sem valdið getur skaða fyrir umhverfið.

Áhrifamat:

Umhverfisstofnun metur, miðað við ofangreinda verkefnalýsingu, að kvikmyndatökurnar séu ekki líklegar til að rýra verndargildi svæðisins sé þeim skilyrðum sem eru hér fyrir neðan fylgt.

Skilyrði:

Umhverfisstofnun veitir fyrir sitt leyti leyfi fyrir kvikmyndatöku við Syðristapa við Kleifarvatn og í gjá við veginn að Vigdísarvöllum 17. nóvember og 22. nóvember að uppfylltum eftirfarandi skilyrðum:

- Tilkynna skal til Umhverfisstofnunar hvenær undirbúningur fyrir verkefnið hefst og þegar því lýkur.
- Umhverfisstofnun skal tilkynnt um öll frávik við áður útgefna verkefnalýsingu.
- Allur akstur utan vega er óheimill en heimilt er að aka björgunarsveitarbíl eftir slóða í fjöruna við Syðristapa. Bifreiðum skal lagt í bílastæði sem fyrir eru á svæðinu eða ef nauðsynlegt er í vegköntum þar sem ekki skapast hætta fyrir aðra umferð. Óheimilt er að leggja bílum utan vegar.
- Einungis skal gengið á merktum göngustígum. Þar sem þarf að fara út fyrir vegi eða göngustíga skal það tryggt að það valdi ekki gróðurskemmdum.
- Starfsmenn verkefnisins gangi snyrtilega um svæðið og þess gætt að allt rusl og úrgangur dýra verði fjarlæggt.
- Koma skal fyrir merkingum á tókustað um að leyfi fyrir framkvæmdinni hafi fengist hjá Umhverfisstofnun.
- Kynna skal fyrir starfsfólki þau skilyrði sem fylgja leyfinu áður en undirbúningur og vinna hefst.
- Óheimilt er að trufla dýralíf.
- Þess skal gætt að öllu raski við verkefnið verði haldið í lágmarki og að vandað verði við frágang eftir að verki lýkur.
- Afmá skal öll ummerki verkefnisins á svæðinu að því loknu.
- Ef upp koma álitamál um framkvæmdir sem tengjast verkefninu og frágangi svæðisins skal hafa samband við Umhverfisstofnun í síma 591-2000.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.

Umhverfisstofnun bendir á að samþykki landeigenda þarf fyrir kvikmyndatökunum. Sækja þarf um leyfi til Grindavíkurbæjar.

Umhverfisstofnun bendir jafnframt á að rétt sé að hafa samband við Vegagerð og lögreglu vegna tímabundinna lokana vega vegna kvikmyndatakanna og við Matvælastofnun vegna aðkomu dýranna að kvikmyndatökunum.


Leyfisgjald:

Umhverfisstofnun innheimtir gjald vegna vinnslu og afgreiðslu umsóknar um leyfi á friðlýstum svæðum á grundvelli 1. mgr. 92. gr. laga nr. 60/2013 um náttúruvernd. Gjald fyrir starfsemi og framkvæmd á friðlýstum svæðum er 52.600 kr., sbr. gr. 24b. í gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun. Innheimt verður fyrir eftirlitið samkvæmt gjaldskrá stofnunarinnar 13.200 kr. á klst.

Virðingarfyllst



Sigrún Agústs dóttir
Sviðsstjóri

Þórdís V. Bragadóttir
Þórdís V. Bragadóttir
Sérfræðingur